

cutis, pone sulcum versus basin fortiter divergentibus, disco postico fortiter convexo et versus sulcum fortiter declivi; scutello triangulari, subexcavato, marginibus elevatis, his apiceque externe declivibus; hemielytris abdomen longe superantibus, convexis, lateribus declivibus, commissura clavi scutello longiore, venis parum distinctis, cuneo a corio incisura exteriori profundissima acutangulari discreto, dimidio basali marginis exterioris introrsum valde obliquo, membrana areola majore latissima, subsemicirculari, areola minore angustissima, vena cubitali tenuissima; areola alarum hamo destituta; pedibus longis, femoribus linearibus, tibiis muticis, tarsis articulo secundo brevi.

Genus valde insigne, corpore cum hemielytris laevissimis et nitidissimis, structura pronoti cuneoque a corio incisura exteriori profundissima discreto ab omnibus facillime distinguendum.

### *Lamproscytus* Van Duzeei n. sp.

Niger vel picescenti-niger, nitidissimus, glaberrimus, laevissimus, annulo subbasali articuli primi apiceque secundi antennarum (articuli ultimi desunt), nec non apice tibiarum sat late albis; hemielytris castaneo-rufis vel laete lateritiis, membrana fumata, venis castaneo-rubris, pone medium macula majore triangulari alba, basi ejus mox infra medium membranae posita, apice in apicem membranae extenso; abdomine piceo-rufo. ♂. Long.  $2\frac{1}{3}$ , lat.  $\frac{3}{4}$  mm.

Mandeville.

Div. *Capsaria* Reut.

### 5. *Phytocoris compsocerus* n. sp.

Superne sat dense et modice longe nigro-pilosus, pilis leviter retrorsum vergentibus, parce albo-intricato-pubescentibus, opacus; capite rubido-albo, utrinque ferrugineo-striato, fortiter nutante, a latere viso altitudine distincte brevior, fronte valde declivi; vertice (♀) oculo paullulum latiore; rostro medium ventris subattingente, griseo, apice nigro; antennis tenuibus, articulo primo pronoto longitudine subaequali, albo,